

---

## Бугун Шўроқер ёшлари марғилонлик тенгқурларига қарши майдонга тушадилар

Бағдод туманининг “Шўроқер” маҳалла фуқаролар йиғини ёшларидан иборат футбол жамоаси бугун Марғилон шаҳри жамоасига қарши яшил майдонда туп сурадилар. Бу ҳақда маҳалладаги ёшлар етакчиси Илҳомжон Мамажонов хабар берди.

Ўзбекистон Республикаси Давлат хавфсизлик хизмати кубоги мусобақасининг вилоят босқичи доирасида ўтказилиши белгиланган мазкур учрашув Фарғона шаҳридаги “Тўқимачи” ўйингоҳида, соат 17:00 да бошланади (мўлжал: Фарғона шаҳри марказидан Абдулла Қодирий мавзесига томон кетиш йўли, болалар боғи рўпараси).

Эслатиб ўтамыз, “Шўроқер” маҳалласи ёшлари мусобақанинг туман босқичида кетма-кет иккинчи бор ғолибликни қўлга киритиб, навбатдаги босқичда қатнашиш имконига эга бўлишган.

Шунингдек, туманимизнинг мини футбол жамоаси – “Ирғоли” маҳалла фуқаролар йиғини ёшлари кун кеча Қувасой шаҳри жамоаси билан илк учрашувни ўтказдилар ва мазкур ўйинда 2:2 ҳисоби қайд этилган.

**Бағдод тумани ҳокимлиги Ахборот хизмати.**

2023-07-05 15:41:28